




نسخ وادست

۱۳۳۶



بکون بیلنیر قسقه، مجموعہ مملکت
پہ چوق آرائیہ اور تہ، مملکت و تہ

ایتدک شرف خدمت اجدادی فراموش
آثارینہ اسلافزک رغیب اولمیز

شاعر ندیمك تعلیق خطیلہ مطبوع مشهور دیوانندہ

موجود اولیان غزللرندن

مرادین آکلرز اول غمزہك اذعانز واردر

ولی سوز بیلمزز اما براز عرفانز ورادر

اوشوڭك صوندینی پیمانی رد ایتمز البت

آنکله بویلهجه عهد ایتمشز پیمانز واردر

مناسبدر سکا ای طفل نازم حجتن آل کل

بشکطاشه یقین برخانه ویرانز واردر .

کوزل سومکده زاهد مشکک وار ایسه بندن صور

بزم اول فنده چوق تدقیقمز ایقانز واردر

قوجوب هرشب میانك جاننه جان قائمده اغیار

بی جانم سن انصاف ایت بزمده جانز واردر

صقلمه بزمه کل بیکانه یوق دعوتلیمز آنجق

« ندیم » بنده کز وار بردخی سلطانز واردر

دیگر غزل

سرمه خط زکس کویایی خاموش ایلمز

ساقی آشوب غمورین فراموش ایلمز

ذوقبخش خواب نوشین فکر لعلکدر سنک

کلشکرسز قهوه بی ارباب دل نوش ایلمز [۱]

[۱] ندیمك شوبیتی ایله دیگر برغزلنك مطلبی اولان :

اول بنقشه خط کلور البته روی دلبره

قهوه درپیدر بزمده عادت کلشکره

یتلرینه نظراً اقدملری مسافری تطیب ایچون اول کلشکر و متعاقباً قهوه کلیمش

کلشکردن سکره قهوه ایچمکه ماغلرک آلمشی اوزرینه یواش یواش کلشکر اورنه دن

قالقنجه شکرلی قهوه میدان بولشد .

ایده من کسب صفا آینه اندام و ش
 اولکه برکز یاری سر تا پا دراغوش ایلز
 زاهد روبه قریب ایلر ریا صهبایه لیک
 ایتدیکی بیدادی نقل مجلسه موش ایلز
 مرده دلر سنسز ای روح روان پیماه نی
 شیرۀ جان ایله لبریز ایتسه لر نوش ایلز
 شهلوند فیض چیقمنز سیره تاکیم ساقیان
 باده کلرنکی رخس جامه زین پوش ایلز
 جوق زماندر پیکر تیغ زبانکدن « ندیم »
 خون نظم تازه دریالر کبی جوش ایلز

فانح سلطان محمد خان و سلطان بایزید خان ولی حضراتنک

زمان شاهانه لری شاعره لرندن مهری خانم
 ای کوکل کل حق ذکر ایت هر نفس لال اوله دن
 ایرمه دن وقت اجل ، هم قبره ادخال اوله دن
 قامتک پشت و خم ایت هر دمده آم وزارایله
 نی کبی ایگلت درونک دائما نال اوله دن
 قبریگه کلزدن اول خشم ایله منکر نکیر
 سن جوابه حاضر اول کندوکه اول حال اوله دن
 لشکر عصیانگی قتل ایله کل توفیق ایله
 نفسک ابلیسی سنک عالمده دجال اوله دن
 قورتاری کور « مهری » سن دست زبانیدن یا قاک
 نار دوزخ بوینوکه محشرده خلخال اوله دن